



DEO OPTIMO MAX.
UNI ET TRINO.

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
manè discutienda, in Scholis Medicorum, die Martis 24 Martii
M. DCC. XXXIX.

M. HIACYNTHO-THEODORO BARON,
antiquo Facultatis Decano, materiæ Medicæ Professore,
Doctore Medico, Præside.

An Senibus Chocolatæ Potus?

I



OMO nascitur, ut patiat. Vivit, ut moriatur.
Mors, vitæ dolorumque finis. Ergò ne mori adeò mi-
serum est? Seriùs occùsive ineluctabilem hanc attingit
metam. Vix natus quandòque perit, sæpè adultus &
maturus, rarò senex. Hominis dùm vita fluit, pluri-
mas experitur in animo & corpore mutationes; quas
jugis & alterna solidorum cum fluidis lucta, Rerum non naturalium usus

A

abususve ingenerant. Hæ mutationes nusquam magis conspicuæ sunt, quam in variis vitæ ætatibus : idèò illas quatuor anni Tempestatibus comparavêre Medici. Quemadmodum Vere, Plantarum semina progerminant & evolvuntur, Æstate crescunt, Autumno maturescunt, Hyeme marcescunt & emoriuntur : sic in Infantia & Pueritia, evolutum germen Hominis expanditur, in Pubertate & Adolescentia explicatum crescit, in Constanti & maturâ ætate roboratum solidescit, in Senectute decrescit & ruinam minatur. Noli Senectutem semper annorum numero computare. Venit illa sapius antè tempus ; dùm in tempore nondùm adest. Plurima sunt quæ præmaturam accersunt Senectutem, præsertim Ingluvies, Desidia, Luxuries, Mæror. Cupis ne tardam Senii experiri necessitatem, aut molestia hujus ætatis tædia præcavere ? te Medicis obliga legibus. Diu & salubriter vivit, qui Medicè vivit. Animi motibus frænum injice ; Iras comprime ; Venerem illicitam reformida ; legitimam modera ; Mærorem, sanitatis venenum, depone ; Hilaritatem, vitæ condimentum, cole ; Aëre puro, temperato, sereno fruire. Esto ad laborem impiger ; fuge Desidiam ; Somnus sit nec longior, nec brevior, ut & Vigilia ; Haud plusingere quàm evacues ; Sume cibos simplices, tenues, facillè parabiles, optatos tamen : at iis nusquam ad saturitatem utere. In eligendo Potu, cura sit maxima : ut enim facilius est Potu repleri quàm Cibo ; sic & facilius Lædi. Non unus idemque convenit omnibus & Temperamentis, & ætatibus. Potus Senibus salubrior est, qui arcet à solidis, rigiditatem ; remover crassitiem, à fluidis, fovet in utrisque amicam æquilibrationem ; Hoc vigente, corporis & animi functiones perficiuntur ritè ; at eodem deficiente, pessumdantur ; atque humana machina, senio deficit, morbo diffluit, fato corruit.

II

SANCITAM senescendi ut moriendi declinare legem, non est virtutis humanæ. Sed stabilire præcepta, remedia invenire, præscribere Alimenta, quibus Senectus retardetur, illiusque præcaveant mala, aut saltèm tolerabilia reddantur ; Medici juris est atque potestatis. Dolenda certè Senis conditio. Hunc malorum omnium, quasi prædam non ineptè dixeris. Nec mirum ; Adèò mutata, deformia, funerata sunt in Sene, quæ Hominem nobilitabant corporis & animi ornamenta, ut Senem, non tam Hominem, quàm Hominis simulacrum crederes. At non omnibus par calamitas. Sunt quidam (pauci tamen) quibus virides, latos, jucundosque in Senectute etiam proveciori. Dies traducere concessum fuit : illi sunt, qui fidei me-

liori luto, in rebus servavêre modum, aut qui ridenti ætatis Vere, aridam Senectutis Hyemem cauti metuêre. Ut in Hyeme, sic in Senectute corpora siccescunt. Senescere, siccescere est. Siccitas à solidorum induratione, & ductuum exilium obliteratione, à fluidorum spissitudine & salsugine. Vasa in Senibus obliterari, futurarum in Cranio evincit abolitio; solida indurari, Membranæ, Tendinum; Tendines, Cartilaginum; Cartilagines, Ossium adepta soliditatem, demonstrant. Fluida inspissari, Polyposæ concretiones; acescere, Pruritus, Tussès, Rhumatismi, Dysuriæ &c. ostendunt. Humoris defectu, concidunt, obturantur ductus, arescunt partium fibræ; sic collapsa, angustata, compressa vasa non ampliùs insuccantur: indè in senibus corporis Marcor, Rugæ & ossium fragilitas. Duplex Senectutis labes; prima, à solidis, quorum labascit mollities, cadit Elater, segnescit oscillandi virtus; Altera, à fluidis, quorum Crasis alteratur, Ductilitas deficit, evanescit Dulcedo. Igitur in Senibus depravari coctiones, secretiones impediri, otiari excretiones, vires atteri, valetudinariaque fieri eorum corpora necessum est. Status Senum, morbus jugis, aut saltè affidua morbi causa. Durescentes fibræ constringuntur, breviores fiunt, coarctantur vasa, oritur spasmus naturalis; à spasmo, oscillandi segnities, hinc membrorum frigiditas. Labascente *syssalticâ* vi, sanguis, lymphæ, spiritus, succi omnes ignaviùs pelluntur, concreiscunt, remorantur, hærent. Arctatis valorum diametris, liquida non depurantur, redundant in vasis humores, qui copiâ, morâ effervescentes & acscentes, Balsamicam temperatamque non modò exuunt indolem, sed & immitem, salsam & urentem induunt. His ex fontibus malorum & morborum senilium origines. Sed inquis, quænam Panacea, tantam à Senum corporibus avertet ruinam? Potus est, qui nutriendo simul & humectando, partibus solidis, molliem, oscillationem, vigoremque præbet; qui fluidis tenuitatem, volubilitatem, dulcedinemque procurat: Tali Potu dabitur Senibus quodammodò juvenescere.

III.

POTUS ad vitam necessitas maxima; ad secundam & adversam valetudinem amplissima utilitas. Potus siti compefcendæ, partibus humectandis, diluendis, demulcendis, temperandis humoribus, à naturâ potissimùm dicatus est. Immensa potûum varietas. Nulla est gens, quæ suos non habeat familiares & caros. Alii simplices, compositi alii; hi & illi, spirituosî, vinosi, aquei; cum floribus, seminibus, fructibus, radicibus, foliis, vel fermentatione, aut coctione, vel infusione aut maceratione, conficiuntur. Aquæ

Potus, solus omnibus animantibus communis, & maximè naturalis; sitienti necessarius & sufficiens: ceteri ad voluptatem potius quam ad necessitatem inventi. Hos inter Potus credas salubriores, qui ad Aquæ indolem propius accedunt. Præter Aquam, potulenta apud nos usitata sunt Vinum, Cerevisia, Pomaceum, Thé, Café, Chocolata. At omnium sit rectus, moderatusque usus, pro diversis anni Tempestatibus, hominum Temperamentis, agritudinibus, ætatibus. Singularem in confirmandâ & restaurandâ senum valetudine laudem meretur Chocolata. Massula est ex quâ fit Potus, apud Americanos antiquissimus, vulgaris, sed insuavis; apud Hispanos recentior est, & suavior, sed non salubrior; apud nos & per totam ferè Europam, nunc percelebris & maximi usus, Parisiis præsertim ubi omnium perfectissima & saluberrima elaboratur Chocolata. Cacao, veluti basi. Vanilliâ, inter Aromata gustu & odore gratissimâ, & Saccharo, quod utrumque mitigat ac perficit, confatur. Saccharum additur ad æquale pondus Cacao; pro hujus unaquæque librâ Vanilliæ drachmæ duæ sufficiunt. Hanc è Chocolatâ si sustuleris, suavitatem & odorem detrahes; adjicies bonitatem. Inquiris de Cacao? Amygdala est in Nuce, Nux in fructu inclusa: fructus pendet ex trunco, quandoquæ ex ramis majoribus, Arboris ubertim crescentis in Guianæ & Mexicanæ Plagis, nunc etiam in Martinicâ & Sancti Dominici Insulis. Arbor illa procera, jucundè frondescit, florescit edique fructus, qui toto anno per vices maturescunt. Cucumeris figuram, magnitudinem, colorem sat bellè representant hi fructus; in basi depressi sunt, acuminati in apice, in superficie striati; Cortice extus, intus Medullâ & seminibus constantur. Medulla alba & solida primùm, mucosa evadit, quæ grato acidi sapore gustum recreat, sitim extinguit. Semina sive Nuces amara sunt, miro ordine coarctatim, juxtâ se invicem posita, singula fibrosopediculo revincta, racemum quemdam adumbrant, & in unoquoque fructu ad minimum quindecim, ad summum triginta quinque aut quadraginta numerantur. E fructibus maturis avelluntur Nuces, quæ postquam, ut dicunt, sudaverint, ad solem exsiccantur. Venalis prostat apud nos duplex Cacao species; prima, *Caracouensis* & exigua, quia magis unguinolâ, minùs amara; alteri speciei quæ Cacao Insularum dicebatur, antecellit. Mercatorum avaritiâ aut ignorantia nititur illa opinio, quæ ob crassitiem aut parvitatem duas distinxit Cacao species; unica est. Itaque parvi refert ad delectum, an crassus exiguusve sit Cacao, modò sit ejus cortex lavis, subniger, Amygdala pinguis, succosa, extus coloris Avellanæ obscurioris, rubicundioris intus, gustu paululùm amara & astringens: at proscribenda, quæ mucidum aut acerbum olet & sapit, aut quæ carie infecta est. Ad conficiendam probâ

5

notâ Chocolatam, cave ne in Cacao delectu, Torrefactione, Triturâ aut mixtione hallucineris aut pecces? Ex his quatuor tota pendet confectionis & cum suavitate virtus. Igitur Cacao fructus probe electi, curiosè nudati Cortice & Pelle, tosti appositè, diù pinstiti, diutius lavigati suprà calentem lapidem, dein exactè cum saccharo & Aromatibus tenuissimè pulveratis, si libuerit, exactè misceantur; iterùm atque iterùm lavigentur simul, undè fit pasta seu massa lavis, unguinosa, æqualis, quæ calens credatur Pyxidi ut refrigerando sensim induretur. Sic ritè parata ad annum & ultrâ servari potest Chocolata; sed non nisi post tres à fabricâ menses in usum adhibenda, ne recentior fermentescens turbas moveat. Tùm hujus uncia una in scobem redacta, cum Aquæ calentis unciiis sex misceatur in Cacabo, liquor fervens ab igne semotus, Tuediculâ donec multum spumaverit, fortiter & partitis vicibus agitur, & statim calidum sorbeas jejunus, ut absque ullâ stomachi noxâ concoquatur, distribuatur. His variis artibus operibusque conficitur & exurgit Potus odore gratus, gustu suavis, salubritate nulli secundus; Asthmaticis, Emaciatís, Tabidis, senibus præcipuè, ob Balsamicam, roborantem, temperatam, coctum facilem naturam maximè proficiuus.

I V.

PHŦYSÎM mentitur Senectus: In utrâque corpora debilitantur, emaciantur, atque contabescunt; solida rigiditate & spasmo, fluida lentore peccant & acritudine. In Tabè *Hordeata*, *Oryzata*, *Amygdalata*, Lac & alia demulcentia feliciter adhibentur. In Senio utiliter præscribitur Cacao. Eadem virtute unguinosâ, oleagineâ, *muçilaginosâ*, leniente pollet. Multiplici nomine iis longè præstat. Hac acido referta, faciliè acescunt; ille acoris experts, acescit nunquam. Copiosius nutrit, melius digeritur, tenuatur exactius, in penitiores vaforum mæandros lenius distribuitur; ad ultimos usquè duarum poros facilius pertingit, per quos particulae (si quæ sint) nutritioni vel assimilationi minus aptæ foras abiguntur perspiratione. Nulla fit excrementiarum partium congestio, in omni ætate, senili potissimum timenda. Has dotes Amygdalis Mexicanis perperam ascribi ne credideris? Eas demonstrant experientia, autoritas & ratio. Quot languidi, emaciati, Senes decrepiti, modò sobrii & abstemii, ab earum usu quotidie resciantur, restaurantur, renovantur. Ab Authoribus fide dignissimis, ut non pauci vitentur morbi, diuturniorque firmetur sanitas, commendantur hi fructus. Deniquè Analysis Chymica docet, ex iis Nucibus; 1º. Elici Phlegma limpidum, dulce; 2º. Spiritum sale per-

fectè falso saturum, nullam acidi aut alkali notam præbens; 3°. Oleum duplicis generis, prius album, fluidum, summè volatile; posterius flavum, facilè concrefcens, atque ad Butyri accedens naturam. Ex superstitè cinere paucillùm salis fixi educitur: Nullum datur mixtum copiosiore olei, parciore salis quantitate donatum. Convenientiùs ne in naturâ alimentum reperies, quo rigiditas & siccitas solidorum senectutis comes individua, oleosarum partium copiâ efficacius relaxetur, emolliatur? Coria vetustate rigidiora oleo vulgari imbuta mollescunt. Ab iisdem partibus demulceri, irretiri succos acriores Senibus infestos, norunt omnes qui Chymiam vel à limine salutaverint. Phlegma insipidum, spiritus sale nox laudato gravidus, eosdem vel præstantiores effectus producet; sanguini & humoribus tenuitatem, fluorem & motum, partibus vigorem, flexibilitatem & tonum impertientur; quibus exerendis imparia essent quæcumque alimenta, sive ex vegetabilibus, sive ex animalibus deprompta, priora sale acido, posteriora sale alkalino turgent; ab acidis inspissantur humores, à sale alkalino irritantur instiganturque solida eò vividiores *crispaturas* editura, quo majori rigiditate donantur. Chocolata quamvis tenuium sit partium, præparationibus præviis in pulvem Chyli imò lactis æmulam & digestu facilem redigitur. Quot & quanta salubris hic Potus senili corpori afferet bona? Intimiora partium etsi constrictarum repagula permeando, lubricat; spasmos removet; oscillationem & Elaterem vasorum restituit; ductus ad constrictionem proclives reserat & expandit; succis lentescentibus fluiditatem, dulcedinem acescentibus; torpescentibus agilitatem; redundantibus & nocivis facilem exitum præbet; ob *mucilaginosas* butyrosasque particulas, & eam quam habet cum succo nutritio maximè propriam affinitatem, partibus reparandis facilè adhærescit. Sic Nutritio, digestio, secretio ex naturæ votis absolvuntur, quæ in senibus damnosè videntur feriari. Has functiones promovet & perficit modus quo sorbetur Potus Chocolatæ. Proficiuos esse Potus calidos tenui valetudine tentatis fatentur omnes, fibras Ventriculi corroborant, succorum circuitum juvant, humores mucidos, crassos diluunt ac dividunt, Diaphoresim cient. Quæ singula senibus maximè conferunt. Igitur non amplius Merum, sed Chocolata Lac senum dicatur. Merum partibus actuosis, volatilibus, acidis, tartareis scæter, humores agitat, spissat, vasa obstruit, irritat & maturat senectutem. Vini modicum sed diluti, ad solatium ætatis, non ad usum vitæ convenit, aliàs senes depascitur. His caræ vitiis nusquàm satis senibus commendanda Chocolatæ potio; quæ licet calida, non effervesceat; Aromatica, non exsiccat; oleosa, non inflammat.

NON ideo Chocolatam tantoperè Senibus prodesse existima-
 veris, quia nocivæ illius qualitates Aromatum admixtione Salu-
 brius emendantur: Cacao correctione non indiget. Chocolata è
 Salubrior, quò simplicior. Repudientur Aromata quorum subsidio
 ejus cruditatem & fictitiam frigiditatem corrigere gestiunt. Quasi
 verò semen friabile, ductile, torrefactionem atque perfectam trituram
 perpeffum, partibus oleosis gratâ amaritie gaudens, frigiditate argui
 posset: è contrariò inter præstantissima *Analeptica* atque *Stomachica*
 recensetur; quippè potentèr corroborat, variisque morbis Ventriculi,
Anorexia, *Apepsia*, colicis doloribus, flatibus &c. mirum in modum
 opitulatur. Forsan objicies, insunt in Chocolatâ partes viscidæ,
 terrestres, maximè oleosæ quibus viscera infarciuntur, gignuntur
 obstructions, coctiones fiunt difficiles? Præviæ preparationes ab hâc
 Suspensione eam planè vindicant; particulæ igneæ illi inditæ à torre-
 factione; exactior partium divisio à tritu; partium æreærum miscela
 ab agitatione; oleum volatile quo dives est, obstructionibus refe-
 randis, subeundis digestionibus eam comparaverunt. Hæ probantur vir-
 tutes, observatione sanorum ægrotantiumve, sexu, ætate, tempe-
 ramento diversorum, qui omnes felici cum Successu, omni tempore,
 ubique terrarum eâ solâ procibo utuntur; & infantes ipsi in Nutricis
 defectu hâc nonnunquàm perbellè nutriti sunt; quidnè & Senes;
 primæ & ultimæ ætatis par fermè debilitas; utrique idem competit
 nutriticus. Non calidiorem in Cacao, sed sanguinis calori analoguam
 indolem facilè recognoscet, qui attenderit pulsum assumptâ vel largâ
 dosi Chocolatæ non increbescere, augescere, nullum perferri æstum,
 etsi pluriès in die epotetur, sitim ardentem subito extingui, placidum
 induci somnum, ac demùm pinguescere eos qui diù ejus usui insistant:
 tot & tanta, ut alimenti Temperati, dulcis, benigni dotes represen-
 tant; sic etiam præcavendis ac medendis senum infirmitatibus ap-
 primè conveniunt. Sed intrâ certos fines consistit sanitas. Si Cacao
 validius copiosiusque suppeditaverit nutrimentum, hâc ratione sus-
 pectus videbitur: experimentis innotuit ex uncia unâ horumce Nu-
 cleorum, tantum succi nutritii educi, quantum ex librâ unâ carnis
 bubulæ. Esto; verùm magnum discrimen inter hos duos succos inter-
 cedit; Cacao succum dulcem, tenuem, balsamicum; lymphæ nutri-
 tiæ affinem, omnibus innoxium suppeditat: Carnes crassum, visci-
 dum, salsum, efferum, senum constitutioni infestum sufficiunt nu-
 trimentum. Facilius quantitas luxurians alimenti minuitur, quam
 ejus præviæ qualitates corriguntur. Quantitatem alimenti ingerendi

inducant major vel minor appetitus, virium jaçtura, vivendi ratio, ætas, corporis habitus; etenim plus æquò saginatis & otio & genio indulgentibus Chocolatâ interdici debet. Ad caducam senum valetudinem tuendam, Alimenta minori mole assumpta, plurimùm nutrientia præferre ne dubites? Ventriculus non gravatur, obruitur; corpus nutritur uberius, promptius reficitur. Talem esse Chocolatam confirmat ejus vis *Aphrodisiaca*: id habet commune cum omnibus alimentis *Euchymis*; hic effectus in atate provectâ non reformidandus; Senes sapientiores eo non abutuntur, quemadmodum juvenes nonnulli: semper dulce est pulchrâ prole fieri parentem. Quid rides? Occupo; patria non tam prolem à senibus, quam eorum consilia expostulat: expetit ut suis monitis atque exemplis publicæ utilitati inserviãt; cui muneri non impares, dummodò rectâ vivendi ratione mentem Sanam in corpore sanò tueantur. Quod præstabit Chocolata, quæ chylum & sanguinem, spiritibus animalibus sufficiendis maximè aptos producit. Genesim & secretionem fluidi nervei uberiores reddit; certo sunt indicio, subita virium epotâ Chocolatâ refectio, mentis hilaritas. Quid plura? ejus protractiori usu firmatur memoria, Judicium maturius efficitur, sensus acuntur, corpus vigescit, vita demùm felicior prorogatur.

Ergo Senibus Chocolate Potus.

Proponebat Parisiis, LUDOVICUS-GUILLELMUS LE MONIER,
Parisinus, Baccalaureus Medicus, A. R. S. H. 1739.
à sextâ ad meridiem,